

p. 752 L. 7【慧男定女】《觀音義疏》卷2：「無明為父、貪愛為母，六根男、六塵女，識為媒嫁，生出無量煩惱之子孫，此男女不勞願求，任運成眷屬也。若外書以天陽、地陰，沈動為男女，何況佛法而無此耶？若就內典，佛為國王、經教為夫人，出生一切菩薩佛子。又，善權方便父，智度菩薩母，一切諸導師，無不由是生。又，慈悲為女、善心為男，或禪定靜細為女、觀慧分別為男。二乘定多慧少、菩薩定少慧多，《大經》云：「若聞大涅槃佛性之法，當知是人丈夫相。」正觀剛決為男、無緣慈悲含覆一切為女。今借世間男女以表法門爾。」(T34,p.930c14-25)《觀音義疏記》卷3：「《淨名》云「慈悲心為女，善心誠實男。」先據此文立於悲智名為男女。冥中道智即是誠實善心故也，乃類此法立諸男女。初以禪慧對於男女，次分三乘以對男女，後約佛性見對不見而分男女。何者？既以見性為丈夫相，即彰不見為女人相。復約照性自具男女，佛性正觀，決破無明，為福德智慧之男；中道慈悲，含覆一切，為端正有相之女。」(T34,p.947a9-17)

p. 752 L. 9【定能發生無漏】「無漏定」：於出世間無漏心所得之禪定。又作出世間定、出世間禪。出世間，為無漏之別稱。《俱舍論》等謂於未至定、中間定、四根本靜慮（即四根本定）、下三無色定等九地能生起無漏定。然唯識家僅以第四靜慮地所起之大乘光明定、集福王定、賢守定、健行定等四定為無漏定。《釋禪波羅蜜次第法門》卷五將禪分為世間禪、亦世間亦出世間禪、出世間禪、非世間非出世間禪四種。出世間禪有九想、八念、十想、八背捨、八勝處、十一切處、九次第定、師子奮迅三昧、超越三昧等。～《佛光大辭典》

p. 752 L. -6【大經云】《大般涅槃經》卷30〈師子吼菩薩品 11〉：「菩薩亦爾，若三昧多者則修習慧，若慧多者則修習三昧。三昧、慧等，則名為捨。善男子！十住菩薩，智慧力多，三昧力少，是故不得明見佛性。聲聞緣覺，三昧力多，智慧力少，以是因緣不見佛性。諸佛世尊，定慧等故，明見佛性，了了無礙，如觀掌中菴摩勒果。」(T12,p.547,a10-16)《觀音義疏》卷2：「唯有別教登地，真明慧發，無緣慈成，此乃名為真正男女。圓教初住見中道時，定慧具足，男女相滿，方稱經文：『男則福德，女則端正。』故知借事表法，何得作媒嫁解觀音耶？」(T34,p.931c19-23)

p. 752 L. -5【**男女相滿**】《觀音義疏》卷2：「圓教以無緣慈悲。種三十二相業。亦名為女。此女端正有相。以中道智慧為男。此男質直福德。十信。六根清淨。名為處胎。初住。慈智男女雙生。若得此男女。不畏愛見大悲、順道法愛。亦不畏無慧方便縛、無方便慧縛。方便與慧俱解者。即男女具足。二求願滿也。」(T34,p.931,c2-8)《觀音義疏記》卷3：「此教頓修。始心即用性德慈智。以為男女。方稱經文雙具德業。**慈無偏緣故名端正。慈即佛相故名有相**。女德備矣。**智離邊邪故名質直。智含萬善故名福德**。男德備矣。似位。無明不覆而覆。名曰處胎。初住。慈智不顯而顯。名曰雙生。真慈出假。愛見莫拘。真智趣果。無似愛滯。亦不畏者。同體權實。二皆無縛。」(T34,p.948,a25-b3)

p. 752 L. -2【**福不唐捐**】《觀音經義疏記會本》卷3：「釋疑者。若言禮拜願滿。自有禮拜不蒙願滿者。何得云不唐捐？唐者。言徒。捐者。言棄。由心不至。即願未滿。禮拜之功。冥資不失。此得是釋疑也。」(X35,p.139,a18-21)《法華經科註》卷10：「此則應隨高下。迹任方圓。或有禱而不克者。蓋機緣障業所隔爾。譬彼大明歷天。而瞽夫不覩。又有問云：上文令離欲去貪。今何云欲求男女皆得隨願。莫相戾乎？答：大士權宜。隨機攝物。先以欲鈎牽。後令入佛道。斯之謂矣。」(X30,p.833,c22-p.834,a3)靈耀《觀音經普門品膚說》卷1：「不唐捐。即如下別偈中。聞名及見身。心念不空過三字(p. 761:4)。二者。文句云：若言禮拜滿願。自有禮拜不蒙滿願者。何得云不唐捐耶？釋曰：由心不志。即未滿願。禮拜之功。冥資不失。此如梵網中懺悔。雖不見光見華。亦得增益受戒。是故應禮拜受持也。三者。問：今以有難呼名、有毒心念、有求禮拜。然後脫苦。倘世人有無難、無毒、無求者。則似不須禮念。禮念亦無用、無福矣。答：縱無難無求。若有禮拜恭敬。福不唐捐。有求即遂。固不徒棄。無求禮念。獲福彌勝。故不唐捐。良以有難稱名。即能脫苦。固須持禮。即無難稱名。福不唐捐。是故皆應受持名號。有毒即除。固宜恭敬。無毒恭敬。福不唐捐。是故皆應受持。有求必遂。固須禮拜。無求禮拜。福不唐捐。是故皆應禮念持名也。則知有求者固當禮念。無求者尤當禮念矣。『皆』之一字。乃普指天下眾生。蓋有求有難而禮念者。人不多得。今以無求無難者念禮不唐。則天下皆宜禮念受持名號矣。故云『皆應』。問：既通結三業。以勸持禮。何故至

下但約持名。以較功德耶？答：但一口業持名小善。福尚無窮。何況內心恭敬常念之功德乎！又何況禮拜供養之功德乎！有難有求。而持禮之福尚是無窮。何況無難無求。修於日用尋常時之功德乎！此如來說法巧妙。但較持名小福。足以況出念禮深功。及無求亦修之恒德無量無邊矣。」(X35,p.170,a21-b19)

p. 753 L. 4【宜受持名號】《悲華經》卷3〈4 諸菩薩本授記品〉：「願我行菩薩道時，若有眾生受諸苦惱、恐怖等事，退失正法，墮大闇處，憂愁孤窮、無有救護、無依無舍，若能念我、稱我名字，若其為我天耳所聞、天眼所見，是眾生等，若不得免斯苦惱者，我終不成阿耨多羅三藐三菩提。」「寶藏佛尋為授記：『善男子！汝觀天人及三惡道一切眾生，生大悲心，欲斷眾生諸苦惱故，欲斷眾生諸煩惱故，欲令眾生住安樂故。善男子！今當字汝為觀世音。善男子！汝行菩薩道時，已有百千無量億那由他眾生得離苦惱，汝為菩薩時，已能大作佛事。』」(T03,p.185,c20-p.186,a14)

p. 753 L. 5【稱實所召】《阿彌陀經要解便蒙鈔》卷1：「【鮮】言執持名號。一心不亂者。名以召德。德不可思議。故名號亦不可思議。名號功德不可思議。故使散稱為佛種。執持登不退也。【鈔】名以召德者。名謂假名。德乃實德。召者。以名相呼也。德不可思議者。謂阿彌陀佛功德原不可心思。不可言議也。實德既不可思議。故佛之假名亦不可思議。假名不可思議。方知吾人心性本不可思議。心性不可思議。故使散稱為成佛種子。若能執持一心不亂。定登不退之位也。」(X22,p.830c3-11)

p. 753 L. 7【一切假名、實法、國土】此即「三世間」：1. 假名世間-又名眾生世間，假五陰和合之上名為眾生者，上自佛界，下至地獄，各各差別也。2. 五陰世間-十法界之五陰（色受想行識）各各差別，各為五陰世間。3. 國土世間-又名器世間。眾生所依之境界，十界各各差別，是五陰中假立於色陰之上者。要之，第二為實法，第一、第三為假法；假法之中，分正報之內身與依報之外器。～《佛光大辭典》

p. 753 L. 7【無不歸趣】三千即空假中：一為無量，無量為一。一念即具三千，三千只是一念。理空為一，事假即無量；依理成事、理徧事、理即事（空性真

理全徧於一切事中、理事不二），皆「一為無量」也。無量無邊事相，一一無非是本如來藏妙真如性，此即「無量為一」。亦可云「一即無量、無量即一」，「雙即」故「即中」也。如來藏性，非一故非空；亦非無量故非假，非一、非無量，故「雙非」「即中」也。故云「三千皆即空、即假、即中」。

觀世音菩薩徹證如來藏性故，故令眾生持名者，一心稱念即與此性相應，便能感召此實德，圓滿周遍法界，無不感應！如善導大師《觀無量壽佛經疏》卷3云：眾生起行，口常稱佛，佛即聞之；身常禮敬佛，佛即見之；心常念佛，佛即知之。眾生憶念佛者，佛亦憶念眾生，彼此三業不相捨離，故名親緣也。…眾生願見佛，佛即應念現在目前，故名近緣也。」(T37,p.268,a)「所觀佛像雖身有大小，明皆是真。即有其三：一明彌陀身通無礙，隨意遍周。言如意者，有二種：一者如眾生意，隨彼心念皆應度之。二者如彌陀之意，五眼圓照、六通自在。觀機可度者，一念之中，無前無後，身心等赴，三輪開悟，各益不同也。二明或現大身或現小身。…三明身量雖有大小，皆作真金之色，此即定其邪正也。…身雖大小有殊，光相即與真無異。」(T37,p.269,c22-p.270,a7)阿彌陀佛如是，觀世音菩薩亦如是也。